

PLAN DI ASERKAMETU PROYEKTO PILOTO SUPSIDIO SOAW

Resúmen di gerensia

Proyekto piloto subsidio SOAW	
Kòrsou	
Tema A: Maneho finansiero	
A.3: Subsidio	
Motibu	<p>E maneho di subsidio na Kòrsou ya kaba pa añanan konosé problema grandi pa loke ta trata konfiabilidad di e informashon inkorporá den e atministrashon (finansiero), legitimidat di e gastunan i efisiensia.</p> <p>Na 2014 un grupo di trabou dirigí pa señor Alex Mollen a publiká un rapòrt¹ ku un análisis di e puntonan problemátiko interno i eksterno den e maneho di subsidio i posibel solushon pa yega na otorgamentu di subsidio mas eficiente. E rekomendashonnan mas importante di e grupo di trabou tabata:</p> <ul style="list-style-type: none"> • Ankra atministrashon di subsidio mihó den maneho stipulá na lugá di ta orientá riba oferta òf outomátikamente. • Fortifiká e kuadro pa loke ta trata maneho. • Koordinashon sentral di e aspektonan relashoná ku prosedura di otorgamentu di subsidio. • Mehora efisiensia di subsidio mediante pa por ehèmpel funshon di instansianan, klùster meta- i tareanan, alohamentu konhunto etc. <p>Banda di e akshonnan den e Roadmap Maneho Finansiero pa mehora konfiabilidad i kontrol di e proseso di subsidio, den gobièrnu di Kòrsou a hasi e último añanan tiki ku e rekomendashonnan akí di 2014. Pa un gran parti e rekomendashonnan akí ainda lo ta vigente tambe, pero mester aktualisá nan si i sigui elaborá nan mas detayá ainda.</p> <p>T'asina si ku ministerio di SOAW a start resientemente ku formashon di un unidat di subsidio ku lo bai ehekutá i manehá e proseso di subsidio pa henter e ministerio. Den e ministerio di SOAW a start tambe, di akuerdo ku e "Rapòrt Mollen" di 2014, un promé investigashon di efektividat di un kantidat di fundashon den kuido intramural i semi intramural pa grandinan na Kòrsou.</p>
Meta	<ul style="list-style-type: none"> • Konosementu di efisiensia di subsidio di SOAW, pa medio di aktualisá i elaborá mas den detaye e rekomendashonnan di e "Rapòrt Mollen" di 2014 i, kaminda esei ta posibel, mehora efisiensia di e subsidionan; • Mehora ehekushon di e proseso di subsidio na SOAW (konfiabilidad, legitimidat i efisiensia), dor di ankra otorgamentu di subsidio mihó, fortifiká e kuadro di maneho i strukturá koordinashon sentral di e aspektonan relashoná ku prosedura di otorgamentu di subsidio.
Enkargo	<p>Ministerio di SOAW resientemente a start ku implementashon di un parti di e rekomendashonnan di e "Rapòrt Mollen" di 2014 lantando un unidat di subsidio i hasi un promé investigashon di efikasias di un kantidat di fundashon subsidiá. Den e plan di aserkamentu en kuestion ta konektá ku esaki pa medio di un aserkamentu basá riba proyekto, kaminda lo</p>

1 Rapòrt final supgrupo di trabou subsidio instansianan non-profit, Mollen Consult, 30 di sèptèmber 2014

	<p>amplia e alkanse di e investigashon di efisiensia i tambe lo formulá un kuadro di maneho i un maneho di evaluashon.</p> <p>Ministerio di SOAW den esaki lo sirbi komo piloto pa e otro ministerionan. Despues di finalisá e proyekto, lo tuma lugá un evaluashon di e aserkamentu ku a skohe, despues di kua, eventualmente den forma adaptá, implementashon pa otro ministerio lo por tuma lugá.</p> <p>E proyekto ta konsistí di kuater suproyekto:</p> <ol style="list-style-type: none"> 1. Sostené ministerio di SOAW ora di implementashon di e format- i prosesonan nobo (di e Roadmap Maneho Finansiero) i ora lanta e unidat di subsidio. 2. Un investigashon di e tareanan, ehekushon di tarea i gastunan di alrededor di 30 fundashon subsidiá pa ministerio di SOAW ku a skohe, pa haña un bista den efisiensia di e supsidionan akí i e posibilidatnan pa oumentá efisiensia. 3. Traha un plan di implementashon pa oumentá efisiensia di e supsidionan di ministerio di SOAW. 4. Formulá un kuadro di maneho i un maneho di evaluashon pa SOAW pa garantisá efisiensia duradero.
Akshon skohé	<ul style="list-style-type: none"> • Suproyekto 1: For di kombersashon ku ministerio di SOAW a resultá ku na promé lugá tin nesensidat pa konosementu práktiko i eksperensia, ku kua por kontribuí na strukturashon di e unidat. Den esei mester inventarisá kua kondishon esensial ta nesensario pa e unidat por funshoná bon i kon por pèrkurá pa esaki ta sufisiente na disposishon. • Suproyekto 2: Por mira e investigashon di efisiensia komo un evaluashon, kaminda un ofisina di investigashon eksterno pa kada fundashon lo kontestá diferente pregunta di investigashon tokante e tareanan, ehekushon di tarea i gastunan, i e grado ku ta realisá, di forma efisiente, e meta- i logronan di maneho aspirá. • Suproyekto 3: Basá riba e resultadonan di suproyekto 2, e ofisina di investigashon eksterno ta hasi un análisis i ta formulá rekomendashon pa oumentá efisiensia i efikasía di e supsidionan. Tambe lo formulá un plan di implementashon. E implementashon mes, segun espektativa, lo tuma mas tempu i ta rekerí un propio struktura di proyekto i aserkamentu, i pa e motibu ei no ta parti di e plan di aserkamentu akí. • Suproyekto 4: E plan di implementashon di suproyekto 3 por sirbi komo aporte pa formulá un kuadro di maneho. Ademas lo formulá i implementá un maneho di evaluashon. Ámbos ta nesensario pa garantisá e aserkamentu i mehorashon duradero den e proseso di subsidio.
Resultado ku ta aspirá	<ul style="list-style-type: none"> • Un unidat di subsidio pa SOAW ku ta funshoná bon. • Bista den efisiensia i efikasía di e supsidionan di SOAW. • Un plan di aserkamentu pa mehorá efisiensia i efikasía di e supsidionan. • Un kuadro di maneho i un maneho di evaluashon pa SOAW.
Kondishon, koherensia i/òf dependensia	<p>E proyekto tin relashon estrecho ku e aktividat di ehekushon A.1.2 (Roadmap Maneho Finansiero) di e agènda di ehekushon. Den kuadro di e Roadmap Maneho Finansiero, ta adaptá entre otro legislashon di</p>

	<p>supsidio i ta traha un programa di estudio, lista di chekeo i format ku e unidat di subsidio lo usa tambe.</p>
Planifikashon	<ul style="list-style-type: none"> • Suproyekto 1: inventarisashon ta kuminsá na mart/aprel i e meta ta pa na yüli stipulá e plan di aserkamentu pa implementashon, pa despues e implementashon por start. • Suproyekto 2: investigashon ta kuminsá na òktober i lo finalisá segun espektativa na mart 2023. • Suproyekto 3: despues ku finalisá e investigashon di suproyekto 2 por formulá e plan di aserkamentu pa implementashon di e rekomendashonnan, loke lo bai dura alrededor di dos luna. • Suproyekto 4: segun espektativa, e kuadro di maneho lo ta formulá na yüli 2023 i e plan di aserkamentu pa implementashon di e maneho di evaluashon na sèptèmber 2023, pa despues stipulashon i implementashon por tuma lugá.